

MINISTÈRE DE LA JUSTICE



MINISTRE DE LA JUSTICE

NAOTY

FEPETRA HO RAISINA ENY AMIN'NY SAMPAN-DRAHARaha REHETRA ENY ANIVON'NY MINISTERAN'NY FITSARANA MANERANA NY NOSY

I. FITSARANA AMBARATONGA VOALOHANY :

• **Mahakasika ny ady madio :**

Ny raharaha tena maika rehetra no mandeha fa ny ankoatra izany dia ahemotra amin'ny fotoana manaraka.

Aato ny fandraisana ny raharaha vaovao rehetra mandra-pisian'ny toromarika hafa manova izany ankoatry ny fangatahana ny fanomezam-pahefana mikasika ny fandraisana fisotroan-dronono sy ny karama.

• **Mahakasika ny ady heloka tsotra :**

Aato ny fitsarana ny raharaha rehetra

• **Mahakasika ny fitsarana mpanao famotorana :**

Mitohy hatrany ny raharaha hita fa tsy maintsy alefa ny famapanoavana amin'ny mpitsara mpanao famotorana.

• **Mahakasika ny Fampanoavana :**

langaviana ny tompandraikitra eny anivon'ny Fampanoavana rehetra mba hifandray amin'ny mpitandro ny filaminana ka hampihatra ny fomba fiasa « Traitement en temps réel » ary hisivana ireo raharaha izay heveriny fa tsy maintsy hiakatra Fampanoavana.

Ireo raharaha ankoatra izany dia atao taratasy hampitaina (dossier à transmettre) na tazonin'ny mpitandro ny filaminana mandra-piandry ny toromariky ny lehiben'ny fampanoavana.

• **Mahakasika ny Chambre des Détentions Préventives**

Mitohy hatrany ny asan'ny Chambre des Détentions Préventives

II. MAHAKASIKA NY FITSARANA AMBONY :

Ny ady madio rehetra sy ny ady maika tsotra dia ahemotra amin'ny fotoana maha-mety azy.

Mahakasika ny ratsam-piampangana ambony dia mitohy ny fanaovana ny asany andavanandro.

III. MAHAKASIKA NY FITSARANA MANOKANA MIADY AMIN'NY KOLIKOLY :

Ampiharina amin'ny Fitsarana manokana miady amin'ny kolikoly ambaratonga voalohany sy ambaratonga ambony (Pôle anti-corruption) ireo fepetra rehetra voalaza eo ambony ireo.

IV. MAHAKASIKA NY FITSARANA TAMPONY SAMPANA FANDRAVANA :

Mitohy ny fanatanterahana ny asa andavanandro ankoatry ny fotoam-pitsarana ampahibemaso.

V. MAHAKASIKA NY FITSARANA NY ADY ATAO AMIN'NY FANJAKANA SY NY FILANKEVI-PANJAKANA :

Mitohy ny fandraisana ny fangatahana fampihatoana didy sy ny fanafoanana izany. Mihemotra amin'ny fotoana manaraka kosa ny fandinihana ny antotan-taratasin'ady ankoatra izay.

Aato ny fitsarana fandravana mahakasika ny fifidianana kominaly.

VI. MAHAKASIKA NY FITSARANA ARA-BOLA SY NY FITSARANA MOMBA NY KAONTY :

Atsahatra ny fotoam-pitsarana imasom-bahoaka rehetra. Tohizana kosa ny fitsarana tsy atrehina (huis clos).

VII. MAHAKASIKA NY FANDRAHARAHANA NY FONJA :

Miato ny famangiana ny voafonja ataon'ny fianakavian'izy ireo. Mitohy hatrany kosa ny fanaterana ny sakafon'ny voafonja.

Anaovana famendrahana fanafody ny toeram-pamonjana sy ny manodidina azy rehetra ary ny fiara fitaterana ny voafonja.

Ireo voafonja vao miditra ny fonja dia hanaovana fitiliana manokana sy fanaraha-maso ny fahasalamany mandritra ny dimy ambinifolo andro ary hatokana amin'ny toerana manokana.

Anaovana fanaraha-maso sy fitsapana hafanana isan'andro ireo voafonja, ny mpandraharahan'ny fonja ary ireo rehetra mivezivezy ao.

Raràna ny fivorivorianana ao anatin'ny fonja.

Andraisana fepetra manokana ireo voafonja tsy maintsy hoentina eny amin'ny fitsarana.

Aato ny fitondrana ny voafonja eny amin'ny toeram-pitsaboana ivelan'ny fonja raha tsy noho ny antony manokana tsy azo anoharana.

Atsahatra ny fitondrana voafonja arahana mpiambina (demande d'escorte).

Aato ny fivezivezen'ireo fikambanana mpanao asa eny anivon'ny fonja.

Ahena araka izay farany azo atao ny fivezivezen'ireo voafonja.

VIII. MAHAKASIKA NY TOERAM-PANOFANANA SY TOERAM-PAMPIANARANA MOMBA NY FANDRAHARAHANA NY FONJA (ENAP) :

Ahemotra amin'ny fotoana mahamety azy ny fifaninanana hidirana ao amin'ny sekolin'ny fandraharahana ny fonja.

Atsahatra ireo karazana fiofanana sy fampiofanana eny amin'ny sekoly.

IX. MAHAKASIKA NY SEKOLIM-PIRENENA AMBONY MANOFANA MPITSARA SY MPIRAKI-DRAHARAHA (ENMG) :

Miato avokoa ireo fiofanana sy fampiofanana tokony hotanterahina ao amin'ny sekoly ary ahemotra amin'ny fotoana mahamety azy.

X. FEPETRA AN-KAPOBENY :

Ampiharina ny fiandrasan-draharaha eny anivon'ny toeram-piasana rehetra.

Ireo lehiben'ny firaketan-draharaha rehetre manerana ny Nosy dia tsy maintsy manao modely na fanambarana izay ahitana ny didim-panjakana mitondra ny laharana faha 2020-935 tamin'ny 21 martsa 2020 izay mametraka ny hamehana ara-pahasalamana mba hitsinjovana ny tsy fahafahana manaja ireo fepotoana voafaritry ny lalana.

Tsapaina hafanana ireo mpiasa rehetra sy ireo olona mifamezivezy eny amin'ny fitsarana ka izay hita fa manana mari-pana ambony dia asaina manatona toeram-pitsaboana akaiky azy indrindra avy hatrany.

Asiana toeram-panasana tãnana miaraka amin'ny savony eny amin'ny toeram-piasana rehetra.

Entanina ny mpiasa rehetra hampiasa aro vava sy hanaraka antsakany sy andavany ireo toromarika, fitsipika ary fepetra samihafa voalazan'ny Ministeran'ny fahasalamana.

Entanina ihany koa ny olom-pirenena rehetra izay tsy voakasika mivantana amin'ny raharaha-pitsarana mba tsy hivezivezy eny mba hisorohana ny fiparitahan'ny valan'aretina.

Entanina ny rehetra mba hanaraka tsy tapaka ny fampitam-baovao ofisialy ary hangataka toromarika raha misy ilàna izany.

Ny lisitry ny mpiasa amanao fiandrasan-draharaha rehetra dia tokony hampitaina aty amin'ny Ministera.

Atsahatra daholo ireo fivoriana eo anivon'ny Sampandraharaha rehetra eo anivon'ny Ministeran'ny Fitsarana.

Ireo fiara famitana iraka sy fandraharahana ny sampan-draharaha rehetra eto anivon'ny Ministera sy ny Fitsarana isan-tsokajiny dia tokony hampiasaina amin'ny fanatanterahana ny asa ho an'nireo izay voatendry hanao ny fiandrasandraharaha.

Ny vaovao ofisialy avy amin'ny Ministeran'ny Fitsarana dia ny Minisitry ny Fitsarana irery ihany no afaka manao izany sy ireo olona nomeny alàlana hanao izany.

Antananarivo, faha 23 MAR 2020



ANDRIAMAHEFARIVO Johnny Richard